



Aqqaluaq B. Egede
Inuit Ataqtigiit sinnerlugit Inatsisartunut ilaasortaq

§ 37 naapertorlugu apeqqummut 86/2019-imut akissut.

1. Imigassamut inatsit ukioq ataaserluunniit suli atuutinningitsoq Naalakkersuisut allanngortinniarpaat?

Imigassaq pillugu Inatsisartut Inatsisaat nr. 35, 23. november 2017-imeersup allanngortinnissaanut siunnersuut upernaakkut 2019-imi ataatsimiinnermi saqqummiunneqassaaq. Siunnersuut taanna aalajangiiffigisassatut siunnersuutit sisamat, UKA2018/52, UKA2018/53, UKA2018/54, UKA2018/55, 2018-imi ukiakkut ataatsimiinnermi saqqummiunneqartut tunngavigalugit suliarineqarpoq.

2. Imigassamut inatsit ukioq ataaserluunniit suli atuutinningitsoq Naalakkersuisut allanngortinniarpaat?

Peqqissutsimut Naalakkersuisoqarfik imigassaq pillugu inatsimmik allanngortitsinissamik suliaqarnermini Inatsisartut aalajangiussaata malillugu sulisimavoq.

3. Imigassanut inatsit massakkut atuuttoq inuiaqatigiinni sutigut pitsaanngitsumik sunniuteqarsimava?

Inatsisissatut siunnersuummut oqaaseqaatinut kiisalu tusagassiutitigut oqallinnernut innersuussisoqarpoq.

4. Naalakkersuisut imigassanut inatsimmi allanngueqqullugit Demokraatiniit sakkortuumik piumasaqaatigineqartut malinniarpaat?

Inatsisartut suleriaasiannut atugassarititaasut malillugit Naalakkersuisut sunniuteqartarput.

5. Naalakkersuisut Demokraatit piumasaannik malinnillutik suliaqarniarsimappata WHO-p innersuussutigisaannik malinninnginnissamik kinguneqassava? Malinneqarsimappata suut tunngaviguineqarpat?

Imigassaq pillugu inatsit atuuttoq ilaatigut WHO-p kaammattuutaasa malinneqarnissaat siunertaralugu suliaavoq. Imigassaq pillugu inatsisissatut siunnersuutit suliarinerani

11-02-2019
Suliap nr. 2019 - 3809
Allagaatit nr. 10004566

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

Inatsisartut aalajangiiffigisassatut siunnersuutaat akuerineqartoq taamaallaat malinneqarpoq.

6. Imigassamut inatsit allangortinneqassappat Naalackersuisut ataniaannarlutik Naalackersuisuuniaannarlutillu sulilersimanagerattut oqaatigineqarsinnaasoq isumaqataappat?

Naalackersuisut apeqqummut 4-mut akissummut innersuussipput.

7. Naalackersuisooqatigiit politikkikkut anguniagaat allangortinneqattaarnerat partiit liberaliusut politikkiannut pinngitsaalisamik suliaqartinneqartalerattut Naalackersuisut nalilersunnngilaat?

Naalackersuisut apeqqummut 4-mut akissummut innersuussipput.

8. Imigassanut inatsit Naalackersuisuniit qanoq allangortinniarnearpa?

Naalackersuisut Inatsisartuni amerlanerussuteqartunit imigassaq pillugu inatsisip atuuttup allangortinneqarnissaanut siunnersuusoqquneqarput. Siunnersuut tamatumunnga naapertuuttoq UPA19-imi Inatsisartunit suliarineqartussanngorlugu saqqummiunneqassaaq.

9. Imigassanut inatsit allangortinneqassappat tusarniaassutaasut atorunnaarsillugit nutamik tusarniaassutissamik suliaqartoqassava?

Imigassaq pillugu Inatsisartut Inatsisaata allangortinneqarnissaanut siunnersuut piffissami ullormit 18.12.2018-imiit ullup 21.01.2019-ip tungaanut tusarniutigineqarpoq. Siunnersuut nutaatut tusarniutigineqassanngilaq.

10. Tusarniaaneq nutaaq qaqugu aamma qanoq sivilutigisumik tusarniaassutigineqassava?

Apeqqummut 9-mut akissut takuuk.

11. Imigassamut inatsimmi allanguutissat pillugit suliffeqarfiit inuussutissarsiorfiillu susassaqartoq qanimut peqataatillugit allanguutissanik siunnersuusiortoqarlunilu suleqatigiiffigineqarpa?

Allanguutissatut siunnersuut tusarniutigineqarpoq Naalackersuisoqarfiillu tusarniummut akissutit tigullugillu suliarai.

**12. Imigassanut inatsit allanngortinneqassappat tamanna politikikkut
piumasaqaataasutut isigineqassava? Taamaanngippat
tunngavilersuutissat suuppat?**

Apeqqutinut 1-mut aamma 4-mut akissutit takukkit.

Inussiarnersumik inuulluaqqusillunga


Martha Abelsen